

長泰縣志卷之四

食貨志

戶口	土田	土貢	稅糧	農桑	里甲
均徭	驛傳	寺租	鹽糧	積儲	土產
郵政					

泰壤原屬南安武德一鄉以轉輸徵發途遙為苦先民楊稷等具訴泉守林金吾願割隸漳而倍輸其賦斗田斗米故泰賦為獨重狀比屋皆淳直好義男耕女績鮮遊惰奇淫以故賦役率及額如期無逋負以累殿最稱易治焉自壬辰變起至甲午甲寅戊午二

長泰縣志

卷四

一

十年中兵燹頻仍民之死于殺掠者死于餓莩者死于力役者又逃匿山谷死于虎狼霧露者十去其五六田地乏人耕種荒蕪過半自是而賦額始缺焉加以師旅鱗集餽餉繁多不得不借派于里下派額浮正供數倍民于是益重困而逋負纍纍矣是豈民之頑哉不得已也茲海外賓服兵革休息賦薄刑輕綠埜有耕人花村無吠犬行見牛車擔負之風直可媲美漢代又何至賣絲糶穀如唐詩人所致嘆者哉詩曰民亦勞止汔可小康賈子曰衣食足而後知禮節

為政者念諸作食貨志

戶口

宋初版籍仍闔之舊元豐間始籍主客戶以丁產輕重
差役父子元弟各自為戶以避重差戶額繁多南渡尤
甚元制江南人為十等科差夫役皆視丁力明定閩中
令民自實戶口洪武初置戶帖教民自報姓名丁口事
產孳畜九年籍其民九丁之一為軍二十年置水城一
軍復三丁抽一
四年頒黃冊式令民以各色役占籍於是有軍民匠等
名惟民得析立戶正統以來戶漸消耗至萬曆間里圖
不及昔三分之一

長泰縣志

卷四

宋以主客名初年無攷

淳熙間

戶八千一百九十二 口一萬一百八十五

淳祐間

戶八千八百九十三 口一萬一百六十

元無攷

明戶以軍民匠等名

洪武十四年

是年始造戶籍

軍民匠戶五千二百 口一萬五千

永樂十年 為三十二圖後
又為二十四圖

戶四千七百八十八 口一萬五千六百六十

景泰三年 下為十
九圖

戶二千一十三 口一萬六千五百零八

天順六年

戶二千一十五 口一萬六千五百一十三

成化八年 下為十
二圖

戶一千五百一十五 口一萬六千二百九十一

長泰縣志

卷四

三

弘治十五年

戶一千七百四十五 口一萬五千二百五十三

正德七年

戶一千七百四十 口一萬五千二百五十三

嘉靖三十一年

戶一千五百八十二 口一萬六千六百五十六

隆慶六年

戶一千五百三十五 口一萬五千二十三

萬曆三十年

戶一千四百二十八 口一萬六千九百四十三

軍戶七百三十八 民戶六百六十三 匠戶二十七 男子一萬一百一十三 成丁六千三百五十一 不成丁三千七百六十二 婦女六千八百三十

本朝

順治七年

戶一千四百三十一

軍戶七百三十八 民戶六百六十六 匠戶二十七

口一萬六千九百九十三

男子一萬一百六十三 成丁六千三百七十一

長泰縣志

卷四

四

不成丁三千七百九十二 婦女六千八百三十

十七年歲編審無改

康熙九年

戶一千四百二十九

軍戶七百三十八 民戶六百六十四 匠戶二十七

口一萬七千三十六

男子一萬一百六十七 成丁六千三百七十五 不成丁三千七百九十二 婦女六千八百六十九

康熙十九年

戶一千四百二十八

軍戶七百三十八 民戶六百六十三
匠戶二十七

口一萬七千一百六十四

男子一萬一百四十五
成丁六千三百五十三
不成丁三千七百九十二
婦女七千一十九

土田

五代時閩王延鈞定為三等以膏腴給僧道中下給土
著流寓有民僧之分宋亦分為官民元無攷明天下田
地園林池塘溪蕩皆有官民後又有驛僧之名有曰官
長泰縣志

卷四

五

宋元無攷

明初年無攷

洪武二十四年

官民田地塘一千五百三十五頃

景泰三年

官民僧驛田地塘一千四百三十八頃二十七畝六
分五釐

成化八年

是年有山溪
係丈量載米

官民僧驛田地塘溪山一千四百一十二頃三十九

畝八分四釐

本縣南唐宋初屬泉州府太平興國五年邑官楊海以
輸納本色不便乞割隸漳州願倍其賦泉守林金吾
為奏准故泰賦獨重百姓苦之成化八年邑民陳義
欽薛孔安奏乞復畝丈量每畝載正耗民米六升九
合五勺五抄剩米所載不盡者灘入于石銘恭順善
化三里溪山泰之溪山有糧蓋自此始也

長泰縣志

卷四

六

正德七年

官民僧驛田地塘溪山一千四百三十八頃二十七
畝

嘉靖十一年

是年有潭 及官
牛二十一年同

官民僧驛田地塘溪山潭一千四百一十三頃一十

三畝九分一釐

官牛二頭

在坊善化各一
頭租入秋糧

嘉靖三十一年

官民僧驛田地塘溪山潭一千四百一十三頃八十

八畝一分一釐九毫

官牛二頭

隆慶六年

官民僧驛田地塘溪山潭一千四百一十四頃三十

二畝六分九釐三毫

官牛二頭

萬曆十年

官民僧驛新增陞科田地塘溪山潭一千四百一十

五頃三十三畝九釐一毫

長泰縣志

卷四

七

官牛二頭

官田地塘七十七頃四十二畝二分九釐六毫

萬曆三十年

官民僧驛及新增陞科田地塘溪山潭一千四百

二十三頃九畝四分七釐七毫七絲

官牛二頭

官及新增陞科田地塘山八十頃六十畝七分九釐

八絲

本朝

順治至康熙二十一年

官民田地溪塘潭山陂圳及陞科官米共一千四百二十四頃七十三畝一分四釐五毫七絲

土貢

唐常賦外貢鮫皮甲香宋貢鶴翎後因龍溪王簿王濟言改鵝翎南渡各色繁多隨時借給無定額元無攷明初貢物簡少後以經費所需始派各色物料遞年增加有額辨歲辨雜辨額辨則曆日紙藥料段疋軍器等事歲辨雜辨則蠟茶廚料皮銅硃鉛等類倚辨該年里甲

長泰縣志

卷四

八

正德十四年巡按御史沈灼奏行八分法通縣丁苗各徵銀七分八釐支解本府類僉辦赴工部交納嘉靖中將銀解布政司彙解

本朝無

稅糧

五代時閩王廷鈞丈量土田其賦倣唐兩稅特重宋鈞定租額以土田高下出產錢爲賦有官民田產赤白米夏稅紐麥錢高荒折豆鬻鹽徕役上供經總制無額等錢元賦稍寬元貞初定夏秋二稅秋輸糧夏稅折收木

棉布絹及鈔稅石折鈔一貫五百文

明

官民田地定稅分夏秋夏稅徵鈔每畝田科鈔五文二毫每鈔五貫為錠折

銀一分五釐今派入秋糧徵米又秋租鈔後因軍餉不足每鈔一貫折米四斗

于秋糧然輕重不同宣德中下減分之令官米每畝一

斗至四斗減十之二四斗一升至一石以上減十之三

民田每畝科米一斗二升五合本縣田少米多成化八

年合縣交糧每畝正米六升五合帶耗米四合五勺五

抄餘米派入善化恭順石銘三里溪山官米舊本折中

長泰縣志

卷四

九

半徵之折色每石徵銀三錢五分解官民米以七分本

折派入各倉三分每石折銀三錢解京正德十四年巡

按沈灼奏准官米分三等俱徵銀起解三斗以下新設官部

今之下每石徵銀三錢六分三斗以上舊沒官部今徵

銀三錢三分七斗職米即今徵銀二錢五分民米亦以

中半徵之折色每石徵銀五錢解京及存留湊補後以

諸課料派入每石加銀七分八釐嘉靖三十六年因海

防兵餉每丁石加銀二分次年停止四十四年因軍餉

每丁派銀四分每石米派銀八分隆慶六年丁減作二

分米減作四分先因軍興權宜取用後以事寧節加蠲
減萬曆五年撫臺龐稽查近時額外加派及積歲逋欠
悉行奏免其惠溥矣第往年徵收錢糧相沿鄉例不論
成色欠足一概混收及遇傾消多致耗折以故每一兩
正數外加火耗銀五分公用銀三分坊長因而覓收吏
胥緣而乾沒甚至窮鄉細戶每兩納耗一錢外者前令
方嘗為裁革而歷年以來弊復仍舊加耗管侯至卽著
為令納戶務足色紋銀許令銀匠包傾坊里長看針登
記錢糧不完罪坐納戶輕重不均罪坐坊里長成色不
良法美意司土者守而勿失可也

洪武二十四年

秋糧正耗米一萬四千五百五十五石六斗三升六
合六勺

永樂十年

夏稅鈔一百三十九錠一貫六百九十三文

秋稅鈔二十九錠二貫七百六十文

秋糧正耗米一萬二千七百九十三石六斗二升四

合九勺

成化八年

是年丈量田地每畝科米六升九合五勺
五抄剩米攤入善化恭順石銘三里溪山

夏稅鈔一百三十八錠四貫四百十文

秋租鈔二十九錠二貫七百六十文

秋糧正耗米一萬一千八百六十七石七斗八升九

合六勺

嘉靖三十一年

夏稅鈔一百三十八錠一百一十二文

計折銀二兩八分六釐二

長泰縣志

卷四

十一

毫三
絲

秋租鈔二十九錠二貫七百六十文

計折米五十九石一斗四合

秋糧正耗米一萬一千九百三十八石二斗六合一

勺五抄

併秋租鈔牛
租在內下同

萬曆三十年

夏稅鈔一百三十九錠三貫九十二文

計折銀二兩

秋租鈔二十九錠二貫七百六十文

計折米五十九石一斗四合

秋糧正耗官米一萬一千九百五十六石八斗四升

八勺七抄四撮四圭

本朝

錢糧俱納折色不分夏秋

前朝遺法聊存一二以備攷舊志繁多悉刪之

農桑

宋夏稅布紐產錢料納南渡後折布為錢以供軍費時
令民廣植桑柘無特征明朝令民於墻上種桑每民桑
四十株地一畝科絲四錢每絲一斤四兩折造生絹
一疋每疋長三丈解京庫交納零絲存貯府庫後農桑地廢
課入八分丁云

長泰縣志

卷四

十二

本朝無

里甲

唐無可攷宋初有坊正里正專用以督租賦逐盜賊至
後兼出官府供費民始重困元亦設坊正里正每都以
糧多者為主首其次為貼役明以百十戶為一區每區
為十甲甲以一戶丁力相應者為之長統甲首十戶籍
在坊者謂之坊長籍在里者謂之里長歲輸一甲見役
專掌催錢糧勾攝公事及出辨上供物料其後乃以里
甲支應官府諸費民始告病至正德十五年巡按御史

沈灼始有綱銀之議將通縣費用分正雜二綱以丁四糧六通融科派嘉靖十六年以綱銀支應不敷又令里長貼辦其費尤倍十四年撫按兩院始令各縣除正雜名色止用綱銀以十年應用通計實數止據見年丁糧多寡每丁石派銀若干先一月徵收在官以應後月支用隆慶三年復立規則將十甲分作十段派徵刊定書冊分布各縣永爲定式每一段丁一口派銀四錢九釐九毫三絲米一石派銀六錢一分四釐八毫九絲五忽共銀八百三十三兩五錢五分四釐萬曆以後遞

年微有加減而綱銀相沿無改

本縣里長一百一十戶併所隸甲首分爲十年應役然迺年丁糧多寡不一則偏有輕重自令陳塘多寡配搭輕重相當逮隆慶三年復以十年之通分爲十段抵扣湊撥民以爲便第歲舊額徵銀八百三十三兩奇而里長供費如故大小日之弊民苦之自官當法立大小日弊革里甲惟出綱銀其他一無所與年來有司尤加節省應役者破涕爲笑猶燥煩燠于日中解桎梏于疏屬也然往來交際人情不免朱鹽細故難盡登記歲綱銀

六百六十八兩董董不足經費後臺檄本邑綱銀歲徵
七百九十二兩九錢四釐六毫聽官自裒益不問出人
不責寬剩但里甲惟據舊編戶名貧富終爲懸絕族大
者以百餘人而供一年之役族弱者一年而以數人供
之糧多者一日而編數石糧少者一石而當數十日况
十年間消長互變將來必有甚貧甚富之苦小民束於
戶籍官府安爲故常無有調而劑之者適大造黃冊令
管公橋勞心爲民對神立誓設法分配將縣官民米萬
餘石通融十甲定爲額每民米八十五石爲一戶溢於
均平畫一矣

本朝

坊里長一百十戶逐年之法照舊而消長互變貧富懸
絕苦樂不均當現年者合十一戶之丁苗公議定爲分
數丁苗多者分數多少者分數少遇有公費照分數科
取不致偏有輕重雖不分配亦得其遺意矣

均徃

宋有差役僱役之法明均徭蓋酌宋法而爲之也舊例
凡編均徭十甲輪差十年一次每米一石准丁一口如
遇該編委官查審除各項優免外照丁糧均派視丁糧
多寡以爲差役輕重有力差銀差銀差最輕力差惟庫
子斗級最重餘各有差願出錢募人代役者聽嘉靖四
十五年知府唐九德議將力差等通改爲銀差本縣歲
編銀一千二百四十二兩一錢隆慶以後逐年微有增
減而歲編無改

本朝

長泰縣志

卷四

十五

順治以來徭役通改爲銀差就丁苗派徵四差銀支應
本縣歲編存積解給銀一千六百七十五兩五錢三分
五釐順治十四年會議裁解部銀三百九十七兩一錢
三分一釐六毫七絲留給銀一千二百七十八兩四錢
三釐三毫三絲閏月加銀四十兩八錢三分五釐六毫
六絲五忽六微康熙元年起大兵雲集糧餉孔亟奉文
節次裁克兵餉二十一年恩詔復給

泰邑舊隸泉州民以輦輸弗便願倍賦改隸於漳故
額視他邑最重惟差徭稍輕隆慶間委官過聽

詔安洪淡金有一 巡司弓兵充餉銀一千一百五十六
兩改令長泰歲歲代輸民哀號奔訴撫按下府議唐公
九德爲請罷歸詔安不報葛公綸乃議除募兵二十四
名詔安自出其餘餉銀二縣各出其半比羅公青霄復
以方左不出境而沿海防汛春夏爲急秋冬爲緩每片
兵一名減僱直銀一兩八錢二巡司共減二百八十八
兩免其充餉勿徵長泰銀免臺司從之泰人舉手加額
誦義無窮立石以紀其德邇來奸民射利肥己充牙買
麻以給軍需泰雖種麻乎幅員褊窄產麻之圃十不得
一小民自爲生業計耳又非貨貝輻湊處也其麻率市
之他所今麻餉日廣價給愈難賤賸之累始僅十金繼
踰數百科派延及里甲刻骨剝膚痛有不可言者令管
公橋下車民連名以訴侯一見惻然卽爲具揭陳諸利
害剴切詳明力請于院道而免之民自是得安其業而
無苦徵索固非一人一時之惠已也

驛傳

周禮環人掌以旌節達四方令卽後世驛傳之始遣人
掌道路之委積以待賓客卽後世大廩之始明以民米

分別等第每民米一石抽四斗五升八驛每米若干編夫馬者一名俱截排日子依次應當五年一週謂之苗當正德十五年議以苗戶自當民不均平官難查算乃改徵銀每米一石徵銀一錢二分解官給發鋪陳馬疋支銀買辦謂之官當未幾復變苗當嘉靖十七年復罷苗當仍爲官當後又改議募民之有強力者每驛議設夫保十名於各縣均徭內編僉每名工食銀一十二兩專一在役領銀供應後因領銀不時變產賠償甚至破家止身者有之四十三年知府唐九德議革夫保長泰

縣稅糧迺年實差米八千七百二十九石九斗三升三合五勺三抄逐年徵銀每米一石徵銀三錢隨糧帶徵按月解府給驛支應民以爲便隆慶六年知府羅青霄議允徵銀二錢四分共銀二千九十五兩一錢八分四釐四絲七忽二微後裁革節省歲派銀一千六百五十二兩九錢九分二釐四毫四絲存縣公館應付銀一百八十兩萬曆三十年令管公楠以礦山開採使客往來缺夫策應議允召募贍夫二十名每名年給工食銀六兩遇閏加銀五錢共銀一百三十兩止存公館應

五十兩

本朝

驛站無另加徵就苗米派徵四差銀內支應歲編銀一千三百一十一兩六錢順治十四年會議裁扣充餉銀九十兩二錢現今留給銀一千二百二十一兩四錢按月解府給驛支應

寺租

泰寺租不知始於何時相傳閩王多度僧撥民田之膏腴者以給之歷世既久田歸民間租仍歸寺明初歸併

長泰縣志

卷四

十八

叢林寺有租止于報親天王報慈梁岡龜洋東巖三峯良巖八院併威惠廟田租每畝科正耗米六升五合初槩免雜差成化以後一應徭差兵餉與民田丁苗通融編派嘉靖二十七年以五項抽一每畝徵銀一錢備賑隨即停止四十三年以十分爲率六分入官充餉四分給僧焚修計八寺一廟僧道見管田地共五十二頃一十九畝三分八釐九毫內抽六分四種共三十一頃三十一畝三分二釐二毫每畝徵銀二錢內撥銀一錢六釐八毫零糧差尚銀九分三釐二毫零充餉共計餉銀

二百七十六兩八錢一分五釐三毫零又抽四分田種
共二十頃八十八畝六釐七毫給僧焚修自納糧差萬
曆間無分四六槩歸僧掌年徵餉銀八十二兩六分七
釐九毫零俱解府其糧差與民米同編

本朝

寺租無分四六仍歸僧掌八寺一廟共田地山五十七
頃四十一畝八分七釐八毫歲編寺租銀三百八十二
兩六分七釐九毫五絲二忽糧差照民苗則例派徵後
威惠廟傾頽田地盡歸民戶糧餉屢累端公順治十六

長泰縣志

卷四

十九

年太史葉鄉官公據開陳令金華方公鎮斷豁糧餉各
業戶歸里自徵申詳批允永無池殃端公陰陽學戴斌
立石頌德又報慈梁岡良巖等寺俱傾頽無僧逐年餉
糧莫完令三韓負公養純設法各寺田有僧掌着僧徵
完田歸業戶着歸里自徵寺僧無苦累糧餉全完

鹽糧

宋時令民以產高下納錢于官給鹽謂之鹽產錢私鬻
者官征其利謂之浮鹽產元無效明凡鹽皆食於官計
男女成丁者歲與鹽三斤徵米八升後鹽不支納米如

故天順開因鈔法不行罷米折鈔每日歲納鈔六貫每
貫折銅錢二文中半兼收爲鈔三貫錢六文閏月加鈔
五百文嘉靖八年巡按御史聶豹行折銀法不論本折
每日歲徵銀一分二釐於八分丁中支解南京與本府
庫收

本朝

鹽法本縣歲編食鹽課男婦女口一萬六百二十二口
每日徵銀一分六釐九毫一絲六忽一微四纖一沙共
銀一百七十九兩六錢八分三釐二毫四絲九忽七微

長泰縣志

卷四

二十

康熙九年編審溢出口三十九口銀六錢五分九釐七
毫二絲九忽四微九纖九沙康熙十九年編審溢出口
女口一百五十口加銀二兩五錢三分七釐四毫二絲
一忽一微五纖年徵鹽課其鹽聽民間自行買賣緣甲
寅年耿逆違制爲阱國中地棍蔡貞招夥黃有孫玉影
藉鹽商李宗虞北溪鹽單縣中私設鹽行仍各鄉村巡
邏鹽價日騰每石賣至一兩二三錢不等利歸棍橐民
艱淡食闔邑士庶戴天沛戴旭鄭助等連名呈控爲叛
制越界混設私行等事令三韓負公養純申詳各憲臺

奉

總督部院姚 令牌爲勒石革除鹽商名色聽民自晒
自賣等事檄行漳州府革除鹽商只將西北二溪鹽包
銀通融各縣計丁口輸納本府太原白公輝回詳內稱
漳屬西北二溪鹽包餉銀二千三百一十八兩一錢五
公計漳屬其人丁七萬七千三百三十六丁每丁勻銀
三分一絲四忽可符西北二溪鹽包餉額鹽從民便課
從民出誠爲妥便應飭十邑一體徵解等語蒙批允備
牌仰縣遵行本縣人丁六千三百七十五丁加銀一百

長泰縣志

卷四

二十一

九十一兩三錢四分康熙二十二年布政司行牌徵解
永爲定規民無淡食之苦勒石頌德見藝文

積貯

宋時有縣倉歲積稻穀以備荒歉元祐中令黃頴以職
田穀三百石賑給耕民紹定二年令陳純仁建義倉八
里各一所隨戶產多寡借穀爲本每歲孟夏貸民收利
二分早禾熟還母穀晚禾熟還子穀所借本穀官司給
與產戶關子爲照限十年還其本穀申准提舉司以至
簿主其事仍擇里中善人一人司出納淳祐間置常平

倉于治內元廢明設預備倉又置東西二倉於人和彰
信等里官給糴本買穀二千石令老人管領荒歲貸民
收成還官正統中令劉奎復置中倉添設北倉於旌孝
里成化十五年令劉鐸又有仁義禮智四倉以備歛散
後俱廢萬曆元年令侯嘉祐捐俸二十金糴穀欲做社
倉法行之公卒而罷故泰久無義倉只存縣治內倉一
所歲積贖贖稻穀九年奉戶部題准分別爲上中下三
等本縣原定歲額積穀六百石今改四百石見存穀一
萬五千七百石每年編斗級二名吏農一名看守因交

監賠補虧折重難每遇役滿苦莫敢承報替又憑見年
里長僉舉致開騙局令管公桶酌議申請斗級每名加
僉殷實者二名相幫協守四分勻賠虧折斗級六名坐
賠三分吏農一名坐賠一分其餘點倉夫當堂揭查見
年丁米實徵冊籍苗米相應者摘出認當役過者不得
重僉甲下如無苗米卽令本管應役逐年挨都順音承
爲定則義倉至萬曆十七年推官龍文明條陳復興常
平倉於城隍廟後二十三年令盧洪遠奉軍門金議
處社倉坊里斗一十二所東南倉在祥光寺西北倉在

城隍廟人和里一箇倉在天王院二箇倉在威惠廟欽
化里倉在五通廟方成里倉在下房庵彰信里倉在湯
湖庵恭順里倉在胡坂庵石銘里倉在洋山寨旌孝里
倉在東巖寺善化里倉在三峯寺但豐歛時有積貯大
命南方地濕與北土不同積而不散三年之後盡成朽
蠹是名爲賑民而反置之無用也管公撫念民艱因時
通變條出陳易新之法每歲青黃不接時將極陳者糶
賣二分價比時值每石量減三分每人只許一石或二
石爲止以防市猾包侵里社令保約長公報貧戶姓名

造冊給票隨給隨散使無守候之勞其糶入則候收成
時將銀與民平買每石比時價量加三分以償搬運次
春將欠陳者再賣二分至秋又糶等事宜俱蒙批允依
行夫賄折旣無獨累之苦僉點又杜賄囑之私國儲民
情誠兩稱便若陳穀易新不患紅朽新穀漸積又多溢
額皆宜民之善政而救荒之奇策也

議處倉夫

長泰縣爲申明倉役以一法守事案照本縣預備倉
先年穀少每年只編斗級二名吏農一名在倉看守

旋因積穀漸多交盤賠補虧折重難每遇役滿僉替
苦莫敢承已該本縣知縣管橋酌議調停將斗級每
名加僉二名殷實者相幫協守使之勻賠虧折庶衆
輕易舉苦樂適均仍仿照龍溪縣申允事例四分勻
賠以斗級六名坐賠三分吏農一名坐賠一分等緣
由具由于萬曆三十年三月十九日申詳分守道左
叅議僉 蒙批斗級人多坐賠三分吏農人少坐賠
一分此情法之中也准照行繳依蒙遵行外今照本
縣預備倉見貯稻穀一萬五千七百餘石僉撥倉夫

六名吏農一名守看役滿例應報替交盤第查往年
倉夫悉憑見在坊里長及老人僉報各畝殷實人戶
承當呈報者因之索騙家濫者多方彌縫以致報者
未必富富者未必報且通邑網羅家家被害迺年搜
括歲歲擾民本縣目擊其弊酌爲定則以後僉點倉
夫當堂揭查見年丁米實徵冊籍果有苗米相應者
摘出認當役過者不許重僉甲下如無苗米卽令本
管應役夫俟都順畝旣免規避之弊按冊僉點又杜
賄囑在國儲固無虞在民情實稱便第未經申詳

日久變更無憑遵守理合詳請爲此備由具申伏乞
詳奪以便遵守施行

議出陳易新

爲出陳易新以惠窮民以裕國計事照得積儲闕國
家之大事菽粟係生民之水火本縣去秋商羊兆災
低禾泮沒西成旣已失望今春旱魃爲虐品物枯槁
二麥俱未全登兼之境內開採方殷礦商工匠聚食
萬餘日計粟二百餘石時方播種正耕耘用力之時
食指浩繁之候積貯之家多乘民用之急而坐擡高

價比小民亦因于其所急而望屋需求故一時穀價
騰湧而困涸轍者多當此危急之秋而不講求良法
以救之是秦越之視也查得本縣預備義社等倉穀
一萬八千有奇內除預備倉四千石社倉二千餘石
係前縣買借未收本縣新追入倉餘皆數年前陳穀
夫積穀原爲救民而救民莫善於歛散散而不歛則
倉廩日虛歛而不散則粒米沔爛而不可食他日卽
欲賑民亦無實惠矣合因時通變醉爲出陳易新之
法總見在倉穀以十分爲率每年青黃不接之時將

極陳者糶賣二分與民然價太賤則爭趨者易十爲
奸數太多則包糶者易于觸禁今議價比時值每石
量減三分假如市價三錢三分定價三錢俾民受三
分之利計賣日隨時低昂每人止許一石或二石爲
止不許多糶若一槩開倉受銀廣糶恐市猾包侵而
村愚却步甚至有易子得錢負囊入市竟坐候數日
而空手以還者本縣在諸生時已目覩之矣此非遺
于里老之漏報則或阻于戶頭之併吞故委任尤貴
得人也本縣遵行鄉約保甲之法凡約長保長俱係

採訪遴選素稱有德有家之輩今令其會同本邑里
老於社所眼同公報貧戶姓名造冊查閱後給與票
若干一面兌價一面發票使各戶執票鱗次領稻蓋
就本鄉之中則耳目熟識而外鄉不得紊插用本鄉
約保長開造則貧窘周知而奸狡不得詐冒且執票
領稻旣免奔馳之苦而先期出示又無守候之勞其
穀價總彙貯庫候收成之際將銀與民平糶新穀價
比時值每石量加三分以償搬運稻復還倉次泰又
將次陳者再賣二分至秋又糶年復一年陳穀皆爲

新穀矣且穀價春賣秋收必有貴賤之別多銀又可積穀貯倉另容造報如此則穀價不平而自平貧民不利而自利舊穀易新既無紅朽之患新穀漸積又多溢額之增其於國計民生未必無小補矣合無申稟俯容末議乘時散歛緣係出陳易新事理卑縣未敢擅便惟復別賜定奪

土產

穀屬

秈稻 種有早晚早六月收米盡白有山東安南等名晚十月收米赤白兼白名斑占柳仔赤名大稻

長泰縣志

卷四

回洋等不一又有大冬糯稻 早晚俱有早赤殼者名年一收殼厚米尤粳 糯稻 金包銀晚有斑占蛾眉長芒鷲卵等種米俱 稷 有黃白二種 黍 有黃黍鴨蹄白可釀酒赤殼為上 稷 俗呼為粟 黍 又有黑黍即和 黍 粒稍大微黃與 梁 俗呼好殼即香稻青梁穗有黍 梁 稷相似米糯 梁 俗呼好殼即香稻青梁穗有長米畧麓白梁穗大米偏長又有入畚者米赤大干諸梁更香北方無此穀以糯稷白者為梁非是 麥 有大小種 豆 有赤白綠黑 脂麻 有黑白又有蕎麥 馬腐等名色

布屬

土紬 綿布 即吉貝 葛布 恭順里山重旌孝里張林前石銘里白泉俱出然不

多 苧布 縵布 即苧布 青麻布 蕉布

貨屬

吉貝即木綿 苧 青麻 藍澱俗呼青靛有大小二種 棕櫻櫚皮 沙

糖本縣為最 蜂蜜 黃蠟 油有麻桐芥子 樟腦樟木液所成

茶係土 紅花即茜草

蔬屬

芥菜有紫白五種 油芥子可為油 隔籃 蘿蔔近有頭黃者為胡蘿蔔

蒼蓬俗名厚葉 苦買 菠菱俗名紅根菜 苘蒿 蒿菜亦名萬豆 蔞

菜即莧菜有赤白二種 甕菜一種于水能解野葛毒 滑藤菜一名浮藤 木耳俗名

貓耳蕨根可為粉 葱有二種 韭 蒜有大小二種 薤 芹菜有赤白二種

莞菱即胡菱 薑多種山番中 芋有大小青黃番三種 薯有赤白熊掌蜜薯等種

長泰縣志

卷四

笋菜與北方名蒿苣不同 茄有青紫白種又有蜜茄 香茄葉似豆蔓生 匏有花青白

三種又有芋匏 葫蘆杓等匏 王瓜 絲瓜俗呼肖瓜 苦瓜北人名瀨葡萄 冬瓜

香蕈地生為菌有毒 紅菘俗呼胭脂菘 菜豆莢如箸長又有刀豆扁豆蛾眉豆皂莢豆

田豆等名

果屬

荔枝四月熟者為火山五月熟者為中半六月熟者為荔枝 龍眼七月熟 柑有盧雪蘇

白等種先熟 橘有鳳橘珠橘金橘生而大曰仙柑于山極小曰金棗 橙 柚有紅白二種

梨以水梨為上又有蜜青消錦麥秤鍾等種 桃有百葉矮脚密若等種 李有臘脂蠟紅羊矢等

種梅 棗有一種日酸棗 柿有呈色雪團牛心等種 栗小曰猴栗 楊梅有白紫

種**橄欖**小曰丁香極大如雞旦**葡萄**有青紫二種**黃彈****香綠**有一

種**佛手柑**又名佛手柑**枇杷**大者曰**芭蕉**有官牙蜜等種**羊桃**形五

丹果一名枇杷果實如肥皂**石榴**有紅白二種又有百**菩提**如花

冠疑實**株**柯子大者**倒粘子**又呼逃**茵蔯子**如橄欖

肉去其**甘櫛**有甘櫛竹櫛**木瓜**瓜有瓣**芡**俗呼雞頭蓮**西瓜**

本地夏**甜瓜**俗呼**黃瓜**又呼王瓜俗呼刺**土瓜**俗名

秋皆宜**甜瓜**紅瓢**黃瓜**瓜二瓜秋亦有**土瓜**菜頭

藥屬

黃精生食**天門冬****麥門冬****使君子****石菖蒲**

長泰縣志

卷四

山藥自出于山**意苡仁**俗呼鷓鴣**枸杞子**葉嫩時可

地骨**山茱萸****陳皮**本土**萹**名瓜**半夏****砂仁****香**

薷**紫蘇****百合**土名**益母草**俗名山**山梔子**小者

其大者謂**金櫻子**俗呼**茴香**土生**草果**皂莢二種**栗**

殼**山籟子**本土**香附子**俗呼**車前子****木鱉子**俗

朴破**决明子**土名**旋覆花**俗名**高良薑****降真香**

俗名吉**扶留藤**即名**金銀花**又名忍**何首烏**一名公

天南星俗名天**蓖麻子**有大小青**蒼耳草**土名羊

小薊俗名雞**蛇床子****桑白皮****骨碎補**俗名薺**巴**

豆 薄荷 楓香脂 葛根 生薑本土為多 蒲公英名
地丁 商陸根 牛蒡子 白扁豆 川椒 蘆竹根

荆芥 茵陳 威靈仙白呼千斤紅 白茅根 薑黃

桑寄生 山尾薯 狗脊即蕨根毛 萱草根即鹿葱 大櫻子

無患子一名木患子 山蕉 芭蕉根 卷栢俗呼長生不灰草

艾大小三種 白葵花 射干花名仙人掌根為射干 澤蘭一名千里急

竹屬

斑竹又名湘竹 山竹 笙竹籥 紫竹 苦竹一名鳳尾 赤竹

綠竹 麻竹比諸竹為高大 石竹 合竹 長絲竹 觀音

長泰縣志

卷四

三十

竹最小可盆種 釣竹又名綿竹 金絲竹 箭竹 蘆竹

木屬

松本地最多 檜有珠刺千枝等名 杉 栢枝多曰千枝 棗 梓 樟即

章有紅粉二色液可為腦 一歲西榮東枯上俱美材 桐 楓脂可為藥 檫 楡

雞杞花 槐一名玉樹 楊大者為楊柳垂者為柳 桑少種大陰 柏葉可

子可為蠟中仁為油 經霜葉紅如錦 楂生山中子可為油 櫻櫚俗名 甘棠 金

荆小曰埔荆 相思木最堅 黃楊 黃心 山綿 不肯春土

柯樹堅耐 山桂甘棠以下俱美材 鷄皴樹其葉匠人所用澤物 苦練

桤柳 龍角樹身有刺號 朴 楮即穀木名 苦

皮可為香
白銀 皮可為皂
亦可為香

花屬

桂 有黃白紅三種又
有月桂四時常花
山茶 有日丹錢茶寶珠
溪圃百葉等名
葵花 有紅

黃白三種
白可入藥
碧桃 不結
子
郁李 花紅不結子
二花可盆種
梅花 有紅白
二種

薔薇 有白紅醉西施
倚欄嬌紅不香
海棠 鐵梗西
府二種
佛桑 四時常花
俗名黃臘
瑞

香 有纏枝簇錦
紫白等種
素馨 有廣
茉莉 有紅白二色
又有醉芙蓉

一種百葉
花更紅媚
含笑花 有紫色外白
內紫二種
蘭花 有玉幹大青白
蘭又有山蘭花

紫色又有拜歲蘭花紫
黑色歲杪正月始開
菊花 有醉西施賽西施御袍
黃金繡毬金盞銀臺臘

脂白粉團
鷺毛等名
蓮花 有紅白二種又有外
紅內白者名曰錦蓮
榴花 有百葉
二種
閣

長泰縣志

卷四

三十一

提 色白味
香簇生
木槿 有紅白二種俗名
水錦白可入藥
指甲花 一名七
里香
紫

荆花 春開花子
俱如豆
紫薇花 紅白二種夏開開畢復作花
如是者至冬方止山東人名

千日紅今土人以此名紫荆而
以春開者名紫薇蓋相沿之誤
金盞花 有
金鳳花 有

白碧等種子
名急性子
金錢花 一名
子午
鷄冠花 紅白二色又
最矮者盆種
鶯
爪

花 **鹿葱花** 有單瓣百葉二種夏開有溪蔥秋開俱
名萱草北人剪其蓋晒乾名黃花與磨

蕊同價又有一種小者名金
針亦入蔬品其花尤可愛
剪春羅 土名
石菊
仙丹花 有

紅淺紅又有
四時常花
長春花 四時常花一
名日月紅
麗春花 有紅紫白
桃紅數種

俗呼粉
孩兒
梔子花 即薝蔔花甚大大花不結子於
種小者結子入藥名山梔子
餘
藤

花 花與酒
色相似
蓼花 多生水邊
斑
芝 樹身高大有刺二
月開花紅子有綿
木香 生

刺春寶相有紅白二種藤生有刺清香蜜柳俗名粉

花黃色開似國白花比玉簪更大大心國丹莖似國白而

色夏月蠅不敢近黃鶯織柳莖有刺似薔薇玉簪杜鵑人

名山石櫛一鶴頂蘭土名倒水仙虞美人紫鸞

又有一種黑玉蘭花雪白木筆花紫色其含如木蘭

鶯花更深碧可翫繡毬身大如樹花玉帶春亦名小瑪瑙

花成穗黃色可熏香線佛指甲可入盆供金燈花有花無葉

梅即郁李之百葉者俗呼不九秋香葉密花翠蘭噴雪可作臙脂花名一

相見紅菜魚子蘭即垂堦草花

長泰縣志 卷四 三十二

草屬

仙草夏月煮能成仙人掌治瘍痔虎耳草羊耳草

俗名芋鳳尾草鼠尾草俗名廣仔白茅根能蓼草

耳菜俗用蕪葭夜合草藻蒿藍青有槐藍老來紅

為麩至秋心葉俱紅斷腸草俗呼釣吻燈籠草治熱馬鞭

又名鴈來紅即野葛鴨口紅牛唇草俗呼牛

草俗呼撮鼻龍舌草治喉一枝香治疥山佳貝可治癩接骨草脛斷接則毛歸

草可治山當風真珠紅俗名紅遍地錦有大小鼠

麩草俗用雜蒿通歸草可治尖刀紅可治乳草莖紅

為寒食

乳食之能益乳
龍鬚草可為席
隔布草脫胎隔布用之
金公藤葉毛破

血草能出血
燈檠威
杜柏治喉黃
山素馨花小可療用
烏苳

草作呼鳥脚
薯瓢有紅白二種用以染皂
席草多種田中

毛屬

牛有黃水二種
羊黑者多
猪
狗有數種
虎本地多
豹
豺
狐

狼
狸
山猪
獠猪毛刺上黑下白如箭能奮以射人
山羊即

山狗羊角能碎金剛石不多見
兔
獺
貓
竹鼯俗呼管獠味脆
鼠

有家鼠鼯鼠杜鼠油鼠等種

羽屬

長泰縣志

卷四

鷺有皂白二色
鴨大曰鷓鴣有鈞鷓蓮刺毛絨毛數種
鵝種名甚多
雉即野

白鷓又有黑色
鴻俗名錦鴛鴦
翡翠
鷺鷥
練鵲

黃鸝
鷓鴣
布穀方春鳴為農候
鵲鴝
鵲
鷹
鷄

雀小曰畢雀
燕
鳧
黃鶯
鳶俗名厲翼
百舌即反舌
子規俗呼

斑鳩
鷓鴣其舌尖畜
鷓鴣
竹鷄
啄木可治

牙鷓一名巧婦
畫眉
紅裙身黑尾紅
吉吊
白頭鳥
青

錢小而色青
蠟嘴一名銅嘴
唱林鳥有五名
鴉
搏勞即勞食

母惡
貓頭鳥夜鳴人為不詳

鱗屬

鯉魚 鯪魚 有白葉虎斑 大鯽魚 魴魚 鱖魚

鯖魚 鰻魚 最大口 土魴 彈瑟 俗名 鱔魚

鰻魚 黃尾 鱖魚 溪鱖 一名香魚 鱖魚 有花紅

名三 金魚 銀鯽 蝦 有大小

介屬

龜 小曰 鼈 蟹 有田毛 蚌 殼明亮老 螺 有二種 鼈 穿

山甲 俗名 沙蜆

蟲屬

蠶 有黃青 蜂 種類多 蟻 蟬 蛇 陸處者最毒 遇傷

長泰縣志

卷四

三十四

塗其 毒 種多生澗 蝶 蜈蚣 蚯蚓 蝙蝠 螢

蝦蟆 蜻蜓 螳螂 蟋蟀 螻蛄 有石龍

龍 又曰 蜘蛛 小而長脚 蝸牛 斑猫 蠍虎 一名蠅

龍 蠨蛸 桑螵蛸 蠹桑虫附枝 蛾 馬蟻 水蛭

蠅 蚊

養濟

宋崇寧中置安濟坊紹興間置養濟院明初立孤老院後改養濟凡鰥寡孤獨及廢疾之人貧窮無親屬依倚者官司收養給以月糧本縣孤老七十八名日每名日

月大給米三斗月小扣一升年給夏布一疋佑銀一錢五分冬布一疋佑銀二錢柴薪銀一錢五分米于本縣際留倉銀于綱銀內支給舊有棺殮銀三錢後革孤老前三十四名後令方應時新添二名共三十六名歲時支給如例逐名親赴唱給時加賑卹又度空閒官地以爲蔬圃

義塚

宋崇寧二年詔州縣擇高曠不毛之地爲漏澤園以收莖暴露遺骨及無主者置圖籍立記識仍築屋以爲歲

時祭所明初令天下立義塚縣官于三月清明七月十五十月初一日每次設豬羊各三羹飯饅頭冥衣廂冥衣草鞋等物各三百分及紙旛就厲壇致祭泰義塚舊二所一在北門外山周圍一頃一在西門外西北新創一所萬曆三十一年令管公橋捐俸倡官生戴塘捐貲買置在人和里雙頭橋立石定界縱橫廣數里許枯骨被澤矣

本朝康熙己酉令趙公象乾捐俸購地一畝于西郭人和里之楓樹行山四至立石爲界

設寬羈

泰舊無外監一切犯者不問鉅細同錮之園中瘦歿之
寬時或不免萬曆二十九年按院劉 檄諸郡縣各設
寬羈擇閒敞地支官銀剏建房舍以處輕犯泰邑小賦
繁綱銀半爲採使所靡歲派無餘附縣又寡曠地惟射
圃左邊房屋三間原爲居民佃學地起蓋堪以就便買
置令管公櫛乃自捐贖銀十一兩估還瓦木價值另
捐五金以爲改造添修之費仍裁減庫夫一名扣出工
食設禁子防守而以城隍廟前官店一間每年納稅五

長泰縣志

卷四

三十六

錢充補學租申詳院道蒙臺批據詳備見該縣潔已爲
民實意況捐資修建尤人所難如議行繳泰之犯罪輕
重始有所分以寬羈爲開網以刑罰寓欽恤民其體侯
德意重自檢以無挂三尺哉

本朝鼎革之後射圃房屋已壞犯者俱在內監